

Pacific Australia Labour Mobility scheme re-engagement infomeison

Gavman blo Australia interest lo welfare and wellbeing blo evri Pacific Australia Labour Mobility (PALM) scheme wakaman lo Australia. Mifala laekem iu fo fil seif, kasem sapot and fo pipol tritim iu gud.

Mifala save samfala taem i-no iu na endim waka blo iu fo PALM scheme. Taem iu leavim waka blo iu lo PALM scheme and chus fo stei lo Australia and duim waka wea no anda lo PALM scheme, mifala kolem diswan disengagement.

Mifala minim samfala taem wakaman lusim waka bat i-no hem na stopem waka. Mifala laek fo givim evriwan fair chance fo go bak lo PALM scheme. Disfala process mifala kolem re-engagement.

Sapot and protekson anda lo PALM scheme

PALM scheme ofam important protekson and sapot fo iu, osem:

- Semsem rights lo wakaples wea evri Australian wakaman garem, osem pei and conditions.
- Pastor and welfare sapot, osem seif accommodation.
- Oketa ples fo kasem help and talem problem if eniting go rong lo waka.

Sapot if iu finis waka

Department of Employment and Workplace Relations garem tim fo helpem oketa wea no waka distaem (disengaged) witim PALM scheme. Disfala tim:

- Lukluk lo request from wakaman wea laek waka bak fo PALM scheme
- Stori witim iu for minim wanem hapen lo iu.
- Givim sapot fo iu faendem niu waka and provaedem infomeison lo sapot wea stap fo helpem iu go bak hom.

Oketa lukluk lo request folom wanem hapen. No evri request bae oketa apruvim.

Taem iu bae save waka moa fo PALM scheme

Iu save kam anda lo re-engagement process sapos:

- iu stop waka fo PALM scheme kampani wea tekem iu kam lo Australia and iu ask for waka bak fo PALM scheme
- stap lo Australia witim valid subclass 403 visa, wea 6 months stap yet lo hem
- rison iu stop waka hem stret folom department assessment
- iu no garem eni criminal kot case fo stretem.

Taem mifala no sapotim re-engagement

Mifala sapotim man wea laek waka back lo PALM scheme if hem garem valid visa, hem lo Australia, and kampani na stopem waka blo hem.

If iu nao lusim waka and kampani no duim eni rong, department **bae no** save sapotim PALM scheme re-engagement blo iu.

Wanem bae hapen sapos iu save waka bak

If oketa sei iu save waka bak, DEWR bae traee fo helpem iu faendem niu waka anda lo PALM scheme. Diswan depend lo waka, sapos eniwan hem stap wea hem fitim iu.

Plis savve:

- Process fo ansam request hem tek taem
- Mifala no save promisim re-engagement
- Maet no inaf waka stap
- Maet iu nid fo muv lo difren ples or duim difren kaen waka.

Hao for kasem help and advaes

If iu no waka fo PALM scheme distaen, hem bae gud fo iu kontaktim PALM scheme support service line fo save wanem iu save duim.

- Fon: (1800 51 51 31)
- Email: (palm@dewr.gov.au).

Oketa komuniti organisation and kampani wea help fo sapotim iu save iusim oketa kontakt hia tu.